

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 55. stav (2) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona, broj: 7/21 i 18/21), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 144. sjednici, održanoj dana 04.03.2022. godine, d o n o s i

ZAKLJUČAK

o usvajanju Izvještaja o realizaciji Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini

I.

Usvaja se Izvještaj o realizaciji Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini, Ministarstva za poljoprivredu, šumarstvo i vodoprivredu i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/22
Datum, 04.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija ,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



I Z V J E Š T A J

**o realizaciji Programa utroška sredstava od prikupljenih veterinarskih naknada za mjere
zdravstvene zaštite životinja i veterinarskog javnog zdravstva na području
Zeničko-dobojskog kantona u 2021. godini**

Zenica, februar 2022. godine

I Z V J E Š T A J
o realizaciji Programa utroška sredstava od prikupljenih veterinarskih naknada za mjere
zdravstvene zaštite životinja i veterinarskog javnog zdravstva na području
Zeničko-dobojskog kantona u 2021. godini

I PROGRAM MJERA ZDRAVSTVENE ZAŠTITE I VETERINARSKOG JAVNOG ZDRAVSTVA

Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini koji je usvojen Zaključkom Vlade Zeničko-dobojskog kantona broj: 02-11-8606/21 od 16.06.2021. godine, u Budžetu Zeničko-dobojskog kantona za 2021. godinu planirana su sredstva u iznosu od 400.000,00 KM.

Sredstva su planirana u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije veterinarstvo - namjenska sredstva“.

Programom su predviđene slijedeće aktivnosti:

1. Kontrola zdravlja vimeni,
2. Uzimanje uzoraka za ispitivanje Infektivne anemije konja,
3. Naknada štete za eutanazirane životinje,
4. Pomoć u provođenju Zakona o zaštiti i dobrobiti životinja,
5. Implementacija standarda kod SPH (Program samokontrole, Haccap i Halal),
6. Implementacija sistema upravljanja kvalitetom veterinarskih stanica,
7. Eutanazija i neškodljivo uklanjanje oboljelih životinja i dezinfekcija nakon uklanjanja,
8. Klinički pregled pčelinjaka na Američku gnjiloću i finansiranje svedodžbe o zdravstvenom stanju pčela,
9. Laboratorisko ispitivanje uzoraka pčelinjeg legla na Američku gnjiloću,
10. Dijagnostička ispitivanja životinja i službenih uzoraka po nalogu veterinarskog inspektora,
11. Preventivna vakcinacija goveda protiv Crnog prišta i svinja protiv Kuge svinja,
12. Finansiranje preventivne mjere pregleda mesa na prisustvo larvi *Trichinella spiralis*,
13. Nabavka veterinarske opreme i opremanje laboratorija veterinarskih organizacija,
14. Obuke (edukacije) iz oblasti veterinarstva,
15. Realizacija nerealizovanih zahtjeva iz prethodnog perioda i pomoć u posebnim okolnostima.

II REALIZACIJA PROGRAMA

1. Kontrola zdravlja vimena

Planirana su sredstva u iznosu od 90.000,00 KM za sufinansiranje obavezne dijagnostičke mjere koje se provode za krave u laktaciji čije mlijeko se koristi za javnu potrošnju, a pravo na sufinansiranje su ostvarili proizvođači putem veterinarskih stanica na području Zeničko-dobojskog kantona. Sufinansiranje je iznosilo 15,00 KM/kravi u laktaciji za II i III kvartal 2021. godine.

Sredstva za navedenu aktivnost utrošena su u iznosu od 67.620,00 KM.

2. Uzimanje uzoraka za ispitivanje Infektivne anemije konja

Pravo na finansiranje ove mjere su imali vlasnici konja koji provode ispitivanje konja putem nadležne veterinarske stanice na području Zeničko-dobojskog kantona. Konji koji se ispituju moraju biti identifikovani i obilježeni čipom, a iznos sufinansiranje je 25,00 KM/konju. Ukupni planirani iznos sredstava je bio 10.000,00 KM, a od toga je 5.125,00 KM sredstava utrošeno za program uzimanje uzoraka za ispitivanje Infektivne anemije konja.

3. Naknada štete za eutanazirane životinje

Sredstva u iznosu od 30.000,00 KM namijenjena su za finansiranje troškova eutanazije i neškodljivog uklanjanja bolesnih životinja koje su oboljele od zaraznih bolesti, a koje su opasne po ljudsko zdravlje i koje nanose velike ekonomske štete. Navedene aktivnosti provedene su putem veterinarskih stanica sa područja Zeničko-dobojskog kantona, a iznos od 19.275,00KM je utrošen za eutanaziju i neškodljivo uklanjanje kako slijedi u tabeli 1.

Tabela 1.

R/b	Općina/Grad	Broj eutanaziranih grla životinja	Iznos finansiranja (KM)
1.	Visoko	4 krave	5.000,00
2.	Kakanj	4 krave, 12 pčelinji društava	8.975,00
3.	Zenica	4 krave	5.300,00
			19.275,00

4. Pomoć u provođenju Zakona o zaštiti i dobrobiti životinja

Planirani iznos sredstava je 40.000,00 KM, a korisnici sredstava su ostvarili pravo na sredstva kao pomoć za izgradnju skloništa za životinje što se dokazuje važećom urbanističkom ili građevinskom dozvolom ili kao pomoć u osiguravanju uslova za pravilno funkcionisanje skloništa koje je u upotrebi. Utrošena sredstva su u iznosu od 40.000,00 KM.

Sredstva su utrošena po Općinama/Grad i to :

Općina Tešanj.....	30.000,00 KM
Grad Zenica.....	10.000,00 KM

UKUPNO :	40.000,00 KM
-----------------	---------------------

5. Implementacija standarda kod SPH

Svim registrovanim subjektima u poslovanju sa hranom (SPH) koji posjeduju veterinarski kontrolni broj sufinansirana je implementacija Programa samokontrola, Haccp i Halal standarda u ukupnom iznosu sredstava od 30.000,00 KM. Na području Zeničko-dobojskog kantona zahtjev su podnijeli deset (10) SPH-a koji su uspostavili i implementirali programe samokontrola, Haccp i Halal standarda u 2021. godini u odnosu na tehnološke postupke koje provode u objektu. Subjekti su dostavili zahtjeve uz propisanu dokumentaciju te je u ove svrhe utrošen iznos od 23.578,00 KM.

6. Implementacija sistema upravljanja kvalitetom veterinarskih stanica

Za ovu aktivnost planirana su sredstva u iznosu od 10.000,00 KM. Sredstva nisu utrošena jer nije bilo zahtjeva za korištenje istih.

7. Eutanazija i neškodljivo uklanjanje oboljelih životinja i dezinfekcija nakon uklanjanja

Planirani iznos sredstava je 10.000,00 KM, namjenjen za troškove eutanazije bolesnih životinja u punom iznosu, kada veterinarski inspektor naredi eutanaziju i neškodljivo uklanjanje koje obavljaju nadležne veterinarske stanice na području djelovanja Zeničko-dobojskog kantona. Zaprmljeni su zahtjevi, a isti su realizovani u iznosu od 9.392,500 KM.

8. Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela

Za ovo namjenu planirani iznos sredstava od 30.000,00 KM finansirao se klinički pregled svih pčelinjaka čiji vlasnici su prijavljeni u Zeničko-dobojskom kantonu na prisustvo zarazne bolesti Američka gnjiloća pčelinjeg legla i uz klinički pregled finansiralo se izdavanje svjedodžbe o zdravstvenom stanju pčela za seleće pčelare. Realizovana sredstva su u iznosu od 25.270,00 KM.

9. Laboratorijsko ispitivanje uzoraka pčelinjeg legla na Američku gnjiloću

Pravo na sufinansiranje dijagnostičkog ispitivanja/pretrage na Američku gnjiloću pčelinjeg legla su imali korisnici-vlasnici pčelinjeg društva (pčelari) koji su provodili mjere, a iznos sredstava je 20,00 KM/jedan uzorak. Od planiranog iznosa 5.000,00 KM utrošen je iznos od 981,00 KM.

10. Dijagnostička ispitivanja životinja i službenih uzoraka po nalogu veterinarskog inspektora

Za ovu aktivnost planirana su sredstva u iznosu od 5.000,00 KM za provođenje službenih kontrola kod sumnje na zaraznu bolest životinja i zdravstvenu ispravnost namirnica životinjskog porijekla (NŽP). Provedena su potrebna dijagnostička ispitivanja u akreditovanim laboratorijama po naredbama veterinarskog inspektora, a od planiranog iznosa utrošeno je 5.066,10 KM.

11. Preventivna vakcinacija goveda protiv Crnog prišta i svinja protiv Kuge svinja

a) Planirana su sredstva u iznosu od 20.000,00 KM za preventivno cijepljenje goveda protiv Crnog prišta (Antrax). Iznos sredstava po jednoj vakcinisanoj životinji je iznosio 15,00 KM.

Sredstva su utrošena po Općinama/Grad i to :

Općina Žepče.....	3.750,00 KM
Grad Zenica.....	3.210,00 KM
Općina Kakanj.....	3.750,00 KM

UKUPNO :	10.710,00 KM
-----------------	---------------------

b) Planirana su sredstva u iznosu od 20.000,00 KM za preventivno cijepljenje svinja protiv svinjske kuge, gdje je iznos po jednoj vakcinisanoj životinji 15,00 KM, a ukupno je utrošeno:

Općina Žepče.....	8.930,00 KM
-------------------	-------------

UKUPNO :	8.930,00 KM
-----------------	--------------------

12. Preventivna mjera pregleda mesa na prisustvolarvi Trichinella spiralis

Pravo na isplatu u iznosu od 10.000,00 KM su imale registrovane veterinarske stanice sa područja Zeničko-dobojskog kantona koje su izvršile pregled mesa domaćih svinja i mesa slobodno živuće divljači na prisustvo larvi Trichinella spiralis. Realizovana su sredstva u iznosu od 5.230,00 KM.

13. Obuke (edukacije) iz oblasti veterinarstva

Finansirane su obuke (edukacije) iz oblasti veterinarstva koje su imale predhodnu saglasnost od nadležnog Federalnog ministarstva poljoprivrede, vodoprivrede i šumarstva. Planirani iznos sredstava za finansiranje obuka (edukacija) iznosila su 25.000,00 KM i bila su namjenjena za vlasnike životinja, veterinarske organizacije, osobe koje se nalaze u različitim fazama proizvodnje, prerade i distribucije NŽP-a, koje dolaze u dodir sa životinjama i mesom slobodno živuće divljači i za odgovorna lica u objektima koji moraju biti pod veterinarskom kontrolom na području Zeničko-dobojskog kantona. Realizovana sredstva su u iznosu od 28.020,00 KM.

14. Nabavka veterinarske opreme i opremanje laboratorija veterinarskih organizacija

Sufinansirana je nabavka nove veterinarske opreme i opreme laboratorija veterinarskih organizacija u iznosu od 30% od ukupnog iznosa nabavke (maksimalan iznos podrške je do 7.000,00 KM), a ukupni planirani iznos sredstava je 30.000,00 KM. Ukupna realizovana sredstva za ovu namjenu su 15.141,00 KM.

15. Realizacija nerealizovanih zahtjeva iz prethodnog perioda i pomoć u posebnim okolnostima

Planirani iznos sredstava od 25.000,00 KM, opredijeljen je za nadoknadu dijela štete kod naglih uginuća životinja, a odobrena su 37 zahtjeva sa područja Zeničko-dobojskog kantona u ukupnom iznosu od 22.640,00 KM.

III REALIZACIJA SREDSTAVA – REKAPITULACIJA

Rb	Planirane aktivnosti	Utrošeni iznos (KM)
1.	Kontrola zdravlja vimen	67.620,00
2.	Uzimanje uzoraka za ispitivanje Infektivne anemije konja	5.125,00
3.	Naknada štete za eutanazirane životinje	19.275,00
4.	Pomoć u provođenju Zakona o zaštiti i dobrobiti životinja	40.000,00
5.	Implementacija standarda kod SPH (Program samokontrole, Haccap i Halal)	23.578,00
6.	Implementacija sistema upravljanja kvalitetom veterinarskih stanica	0.00
7.	Eutanazija i neškodljivo uklanjanje oboljelih životinja i dezinfekcija nakon uklanjanja	9.392,500
8.	Klinički pregled pčelinjaka na Američku gnjiloću i finansiranje svedodžbe o zdravstvenom stanju pčela	25.270,00
9.	Laboratorijsko ispitivanje uzoraka pčelinjeg legla na Američku gnjiloću	981,00
10.	Dijagnostička ispitivanja životinja i službenih uzoraka po nalogu veterinarskog inspektora	5.066,10
11.	Preventivna vakcinacija goveda protiv Crnog prišta i svinja protiv Kuge svinja	19.640,00
12.	Finansiranje preventivne mjere pregleda mesa na prisustvo larvi <i>Trichinella spiralis</i>	5.230,00
13.	Nabavka veterinarske opreme i opremanje laboratorija veterinarskih organizacija	28.020,00
14.	Obuke (edukacije) iz oblasti veterinarstva	15.141,00
15.	Realizacija nerealizovanih zahtjeva iz prethodnog perioda i pomoć u posebnim okolnostima	22.640,00
	UKUPNO:	286.978,60

Programom utroška sredstava Budžeta Zeničko-dobojskog kantona za 2021.godinu, za Subvencije u veterinarstvu - namjenska sredstva, planiran je iznos od 400.000,00 KM, a realizirano je 286.978,60 KM ili 71,74 %.

Obradivač: dr.vet.med Eldin Semić

MINISTAR

Mirsad Hadžić